

Pertandingan Bertutur Bahasa Mandarin Anjuran MLCC Dapat Sambutan



Kuantan, 15 April - Seramai 28 orang peserta telah mengambil bahagian dalam pertandingan bertutur Bahasa Mandarin anjuran Mandarin Language and Culture Centre (MLCC), Kelab Bahasa Mandarin dan Pusat Bahasa Moden dan Sains Kemanusiaan (PBMSK) yang berlangsung di Mini Theatre UMP Gambang. Dengan bertemakan "Budaya Cina dan Saya" semua peserta berjaya menunjukkan bakat menyampaikan ucapan awam dalam tempoh 90 saat yang diberikan.

Dalam pertandingan ini seramai lima orang dipilih sebagai pemenang berpeluang mewakili Universiti Malaysia Pahang (UMP) dalam pertandingan bertutur Bahasa Mandarin di Pertandingan "Chinese Bridge" Peringkat Malaysia yang diadakan di Institut Kong Zi, Universiti Malaya pada bulan Mei 2015. Pertandingan "Chinese Bridge" dianjurkan oleh Institut Kongzi, Universiti Malaya dan ditaja oleh Hanban, China serta Kedutaan China di Malaysia.

Johan pertandingan adalah Tharushini A/P Thiagarajan dengan tajuk 'Pesta Tanglung'. Tempat kedua milik Siti Noor Aisyah Muhammad Noor dengan tajuk 'Tahun Baru Cina dan tempat ketiga Nur Anis Nazzatul Natasha Ishak dengan tajuk 'Perjalanan ke Barat -West-Sun Kung'. Sementara itu, Wahyu Nur Susianna Omar dan Sharmila a/p Sewajje menang hadiah saguhati.

Pengarah MLCC, Chong Ah Kow berkata, Pertandingan "Chinese Bridge" merupakan pertandingan bertutur Bahasa Mandarin dalam kalangan calon bukan Cina.



"Terdapat ramai lagi pelajar yang masih mengikuti kursus Mandarin di UPM menyertai pertandingan ini. Lebih membanggakan terdapat juga pelajar Jerman kini sedang mengikut kursus Mandarin For Beginners juga mengambil bahagian dalam pertandingan ini," katanya.

Beliau turut berbangga dengan komitmen semua jawatankuasa pertandingan khususnya mereka yang menjadi mentor kepada peserta bukan Cina dalam berlatih ucapan Mandarin.

Bagi Nikolas Weber, beliau menyifatkan program ini menarik dan merupakan peluang bagi mengukur kebolehan diri dan memperolehi pengalaman sebagai pelajar tahun akhir di semester ketujuh. Malahan dirinya menjadi tumpuan ramai kerana merupakan pelajar asing tunggal yang menyertai pertandingan ini.

Sementara itu, Tharushini juga berjaya menarik perhatian juri dengan kepetahan, ketepatan intonasi, kelancaran percakapan, gaya serta menggunakan alat bantuan yang sesuai dengan tajuk yang disampaikan.

Majlis penyampaian hadiah disampaikan oleh Ketua Program Jabatan Bahasa Asing, Dr Aini Ahmad. Sebagai Guru Bahasa Kanan, PBMSK, Yong Ying Mei penganjur kali ini di anggap berjaya dengan kerjasama pengelolaan dari pengarah pertandingan, Lee Soon Poh yang merupakan pelajar Fakulti Industri Sains dan Teknologi. Barisan hakim pula terdiri daripada Dr Chin Siew Choo, Dr Omar El-Hadad, Kang Mei Feng, Cheng Ching Yee, Chang Xiao Bo dan Wang Xiao Zhi.



Disediakan oleh Yong Ying Mei dari Pusat Bahasa Moden dan Sains Kemanusiaan dan suntingan oleh Bahagian Komunikasi Korporat

Posted By : SITI SARAH BINTI MOHAMAD RAJIMI Date Posted : 16-04-2015, 15:40:07